

**Razvojna banka Federacije
Bosne i Hercegovine
Predsjednik Uprave**

Broj: 0018-IX/18
Sarajevo, 03.01.2018.godine

Na osnovu članova 13., 17., 21., 28., 64., 65., 70. i 71. Zakona o javnim nabavkama ("Službeni glasnik BiH", br. 39/14), podzakonskim aktima donesenim u skladu sa ovim Zakonom, člana 20. Statuta Razvojne banke Federacije Bosne i Hercegovine (u daljem tekstu: Banka), i posebne Odluke o pokretanju postupka ugovaranja usluga održavanja i tehničku podršku jezgru informacionog sistema Banke, za period od 12 mjeseci, broj: 10695-IX/17 od 14.12.2017.godine, kao i ukazane potrebe, donosim

ODLUKU

**o izboru ponuđača za nabavku usluga
održavanja i tehničku podršku jezgru informacionog sistema Banke**

1. Ova odluka se donosi na osnovu provedenog postupka javne nabavke, zahtjeva i kriterija navedenih u tenderskoj dokumentaciji, Zakonu o javnim nabavkama, kao i utvrđenog činjeničnog stanja, konstatovanog u zapisniku o pregledu i ocjeni ponude i priloga uz navedene zapisnike Komisije za pregovaranje u postupku Javne nabavke ugovaranja usluga održavanja i tehničku podršku jezgru informacionog sistema Banke.
2. Za dodjelu ugovora o javnoj nabavci primjenjen je pregovarački postupak, bez objavljivanja obavještenja o javnoj nabavci.
3. Do utvrđenog roka, dostavljena je 1 (jedna) ponuda¹, za koju je u toku pregleda i ocjene utvrđeno da je prihvatljiva.
4. Na osnovu provedenog postupka, ugovor za nabavku usluga održavanja i tehničke podrške jezgru informacionog sistema Banke za period od 12 (dvanaest) mjeseci, odnosno od 01.01.-31.12.2018.godine, dodjeljuje se firmi „PING“ d.o.o. ", sa sjedištem u Sarajevu, ul. Jukićeva br.36, 71000 Sarajevo.

¹Banka u realizaciji svoje osnovne aktivnosti koristi aplikativni softver za bankarsko poslovanje, kupljen od društva «Ping» d.o.o. Sarajevo (bez otkupa izvoznog koda), koja je također i sistem integrator (tj. može da objedini podršku za sve elemente koji podržavaju rad aplikativnog rješenja), te je navedeno polazište za postupak ugovaranja, koji reguliše Zakon o javnim nabavkama, član 21. c), na osnovu čega se ugovaranje provodi pregovaračkim postupkom, bez objavljivanja obavještenja o nabavci.

5. Ponuda firme „PING“ d.o.o. Sarajevo je ocijenjena kao prihvatljiva za dodjelu ugovora.
6. Odabrani ponuđač ispunjava sve uslove koji su navedeni tenderskom dokumentacijom/ tenderskim dokumentima, i posebnom Odlukom o pokretanju postupka nabavke ugovaranja usluga održavanja i tehničke podrške jezgru informacionog sistema Banke do 31.12.2018.godine, odnosno za period 01.01.-31.12.2018.godine.
7. Ukupno ugovorena vrijednost nabavke iz tačke 1. ove odluke iznosi KM 96.896,01 sa PDV-om (KM 82.817,10 bez PDV-a).
8. Za realizaciju ove Odluke zadužuje se Sektor za podršku poslovanju.
9. Ova odluka biti će objavljena na web stranici Banke.
10. Ova odluka stupa na snagu danom donošenja.



Predsjednik Uprave

Salko Selman

Pouka o pravnom lijeku:

Protiv ove Odluke može se izjaviti žalba Ugovornom organu u roku od 5 (pet) dana od dana prijema Odluke.